

28

..... Galbae
 ... [Pa]piri Carbonis
 [L. Calpu]rni Bestiae

Carthagine (Eph. ep. 7, 477). Tres viri hi sine dubio collegium aliquod effecerunt, fortasse agris dividendis; Bestia videtur fuisse is qui fuit tribunus plebis anno 655 (Cic. Brut. 34, 128), consul a. 643, Carbo aut is qui memoratur N. 25 aut Cn. Papius consul a. 644, Galba C. Sulpicius damnatus una cum Bestia (Cic. Brut. 35, 127) anno 644 (cf. I. Schmidt et Mommsen, Eph. l. c.).

29 [C.] Sergius M. f. | Vel. Mena;¹ | . . [S]ergius C. f. Vel.,¹ | quom
 Q. Caepione | proelio est occisus;² | C. Sergius . . . ; | C. Sergius . . .

Romae extra portam Ostiensem (I 382. VI 5632). — 1) Pater, libertini videlicet filius, cognomine utitur Graecanico, filius, utpote a patre avoque civibus oriundus, cognomine abstinet (Mo.). — 2) Intellegitur Q. Servilius Caepio, legatus P. Rutilii consulis a. 664, post eius caedem cum C. Mario exercitui praefectus et mox a Q. Pompeio duce Marsorum insidiis circumventus (Liv. ep. 73; Appian. b. c. 1, 44; Eutrop. 5, 3).

Regum et populorum Asiae donaria.

30 [Rex Metradates Pilopator et Pil]adelphus¹, regis Metradati f.,
 [rophum Romanum amicitiae]t societatis ergo quae iam
 [inter ipsum et Romanos optin]et; legati coiraverunt
 [Nemanes Nemanai f. et Ma]hes Mahei f.

[Βασιλεύς Μιθραδάτης Φιλ]οπάτωρ καὶ Φιλάδελφος¹
 [βασιλέως Μιθραδάτ]ου τὸν δῆμον τὸν
 [Ῥωμαίων φίλον καὶ] σύμμαχον αὐτοῦ
 [γενόμενον εὐνοίας] ἔνεκεν τῆς εἰς αὐτόν·
 [προεσβενσάντων Ναιμ]άνου τοῦ Ναιμάνου,
 [Μάου τοῦ Μάου]

Romae rep. sub Capitolio, ubi nunc dicitur 'piazza della Consolazione', lapis Tiburtinus (Gatti Bull. com. 1886 p. 405, 1888 p. 159; Huelsen Mitth. 1889 p. 252). A parte intuenti dextra supersunt litterae Graecae ΟΔ... | ΦΙΑ... | ΡΩ..., quae pertinuerunt ad titulum in alio lapide iuxta posito continuatum ὁ δῆμος ὁ Ταβηρῶν φίλος καὶ σύμμαχος Ῥωμαίων. Rursus in hoc lapide superest particula tertiae inscriptionis popul.... | popul.... quae videtur similis fuisse N. 35 (cf. Kaibel inscr. Gr. Sicil. Ital. p. 696). Cf. de his inscriptionibus, positis a regibus populisque Asiae in Capitolio, sed fortasse non eodem tempore, Gatti et Huelsen l. c. — 1) Rex hic dictus Philopator et Philadelphus videtur idem esse cuius extat nummus argenteus (tetradrachma) cum inscriptione βασιλέως Μιθραδάτου φιλοπάτορος καὶ φιλαδέλφου (Th. Reinach rev. numism. 1887 p. 97 seq., 1888 p. 249 seq.). Sed quis fuerit et quando vixerit, incertum. Reinach (l. c.) habet eum pro Mithradate rege Ponti, patre magni Mithridatis Eupatoris, licet ille alibi appelletur non Philopator et Philadelphus, sed Evergetes, praeterea perhibeatur fuisse filius non Mithridatis,